



Broj: 01/04-14-100-4/18
Sarajevo, 14.02.2019. godine

Na osnovu člana. 70. Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajeva", broj 34/08,-Prečišćeni tekst), gradonačelnik Grada Sarajeva, donosi:

ODLUKU
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača Arhitektonsko dizajnerski studio ADS Sarajevo, ulica Branislava Đurđeva broj 8., 71000 Sarajevo, u postupku provođenja javne nabavke putem Pregovaračkog postupka bez objave obavještenja o nabavci za – Izradu projektne dokumentacije za zatvaranje dijela terase objekta Olimpijskog bazena Otoka.

II

Sa ponuđačem Arhitektonsko dizajnerski studio ADS Sarajevo, zaključit će se ugovor za Izradu projektne dokumentacije za zatvaranje dijela terase objekta Olimpijskog bazena Otoka iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-14-6813/18 od 27.12.2018. godine, pokrenut je postupak javne nabavke za Izradu projektne dokumentacije za zatvaranje dijela terase objekta Olimpijskog bazena Otoka, putem Pregovaračkog postupka bez objave obavještenja o nabavci.

Poziv za dostavljanje ponuda upućen je ponuđaču Arhitektonsko dizajnerski studio ADS Sarajevo, ulica Branislava Đurđeva broj 8., 71000 Sarajevo.

Istovremeno, tenderska dokumentacija objavljena je na web portalu ugovornog organa i ista je bila dostupna svim zainteresovanim ponuđačima.

Na zahtjev za dostavu ponude za učešće u Pregovaračkom postupku bez objave obavještenja o nabavci, broj: 01/04-6813-3/18 od 28.01.2019. godine, Ponudu, broj: 01-P-19 od 08.02.2019. godine, dostavio je ponuđač Arhitektonsko dizajnerski studio ADS Sarajevo, ulica Branislava Đurđeva broj 8., 71000 Sarajevo.

Otvaranje ponuda izvršeno je na sastanku Komisije za javne nabavke dana 08.02.2019. godine, imenovanje Rješenjem gradonačelnika, broj: 01/04-14-6813-1/18 od 27.12.2018. godine.

Komisija za javnu nabavku izvršila je uvid u Ponudu, te utvrdila da je ponuđač dostavio svu traženu dokumentaciju u skladu sa uslovima navedenim u tenderskoj dokumentaciji. Komisija je utvrdila cijenu



dostavljene početne ponude u iznosu od 30.000,00 KM bez uračunatog PDV-a, odnosno 35.100,00 KM sa uračunatim PDV-om.

Poslije obavljenih pregovora sa predstavnikom ponuđača, odlučeno je da isti dostavi konačnu ponudu uz korekciju ponuđene početne cijene koja će biti umanjena za 100,00 KM (slovima:stotinu KM).

Također, dogovoreno je da će ugovorni organ izvršiti plaćanje nakon što projektna dokumentacija bude predata i usvojena od strane ugovornog organa, te da će ista biti dostavljena u analognoj i digitalnoj formi po 3 (tri) primjerka Idejnog i Glavnog projekta. Što se tiče roka za izradu projektne dokumentacije dogovoreno je da će rok za izradu Idejnog projekta biti 21 kalendarski dan za Glavni projekat 30 kalendarskih dana.

Ponuđač je 13.02.2019. godine dostavio konačnu ponudu u skladu sa obavljenim pregovorima.

Nakon uvida u konačnu ponudu, Komisija za javnu nabavku, sačinila je Izvještaj i Preporuku Gradonačelniku od 13.02.2019. godine, da se ugovor za Izradu projektne dokumentacije za zatvaranje dijela terase objekta Olimpijskog bazena Otoka, dodjeli ponuđaču Arhitektonsko dizajnerski studio ADS Sarajevo, ulica Branislava Đurđeva broj 8., 71000 Sarajevo, sa ponuđenom cijenom i popustom u iznosu od **29.914,53 KM bez uključenog PDV-a, odnosno 35.000,00 KM sa uračunatim PDV-om** (slovima: tridesetpethiljada KM).

Gradonačelnik Grada Sarajeva je prihvatio Preporuku Komisije na osnovu koje je donesena ova odluka.

POUKA O PRAVNOM LIJEKU:

Protiv ove odluke može se uputiti žalba u pisanoj formi u roku od deset (10) dana od dana prijema iste.

Žalba se podnosi Gradonačelniku Grada Sarajeva, adresa: Grad Sarajevo, Hamdije Kreševljakovića 3/III, kao prvostepenoj instanci u žalbenom postupku.

Gradonačelnik Grada Sarajeva

mr. Abdulah Skaka

DOSTAVITI:

- *Ponuđačima*
- *a/a*